



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale, seu Institutio Sacerdotum, Ex Divinis Litteris Et Veterum Patrum Disciplina

Torres, Alfonso de

Ingolstadii, 1604

XII. De occupatione Sacerdotum ex prædictis.

[urn:nbn:de:hbz:466:1-48973](https://nbn-resolving.org/urn:nbn:de:hbz:466:1-48973)

CAPVT XII.
DE OCCVPATIONE
SACERDOTVM EX
PRÆDICTIS.

SVMMARIVM.



OMNI tempore meditari debet Sacerdos in lege Domini. & vacare Deo. 1.3.9.11. Vigilare, euangelizare, & ministerium suum implere. 7.

Ideo præstatur illis pars à populo in alimoniam. 2.

Non vero propterea operari non debet manibus suis, quando sit necesse, vt faciebat Paulus. 4.5.6.

Sed corporaliter in quibusdam rebus occupari, in quibusdam vero non. 10.11.12.13.14.15.17.

Lectio tamen, & oratio debent esse assidua Sacerdotum exercitia. 11.

Et se sibi tenentur occupare interdum, & à proximorum causis abstrahere. 8.

Vita contemplatiua descriptio, & qualiter comparanda. 9.

Et otium vitandum 17.

Plato volebat Sacerdotes separatos ab omni turba vitam agere. 16.

IERVNT verba hæc, quæ ego præcipio tibi hodie, in corde tuo: & meditaberis in eis sedens in domo tua, & ambulans in itinere, dormiens atq;

con-

confurgens. Et ligabis ea quasi signum in manu
tua, eruntq; & mouebuntur inter oculos tuos,
scribesq; ea in limine, & ostiis domus tuæ. *Deut. 6.*

¶ 11.

Præcepit Ezechias populo habitantium Ie- 2
rusalem, vt darent partes Sacerdotibus & Leuitis,
vt possent vacare legi Domini. *2. Par. 31.*

In lege Domini voluntas eius, & in lege eius 3
meditabitur die ac nocte. *Psal. 1.*

Vsque in hanc horam & esurimus, & sitimus, 4
& laboramus operantes manibus nostris. *1. Cor. 4.*

Operamini manibus vestris, sicut præcepimus 5
vobis: & vt honeste ambuletis ad eos, qui foris
sunt: & nullius aliquid desideretis. *1. Thes. 4.*

Non inquieti fuimus inter vos: neque gratis 6
panem manducauimus ab aliquo; sed in labore, &
in fatigatione, nocte & die operantes, ne quem
vestrum grauaremus, &c. Si quis non vult operari,
nec manducet. *2. Thes. 3. 1. Cor. 20. Reg. 12.*

Tu vero vigila, in omnibus labora, opus fac 7
Euangelistæ, ministerium tuum imple. *2. Tim. 4.*

Non est æquum, vt Sacerdos ab aliis oc-
cupetur, & se sibi non occupet,

Quid tibi prodest, iuxta verbum Domini, si 8
vniuersos lucreris, te vnum perdens? Quare, cum *Ma. 16.*
omnes te habeant, esto etiam tu ex habentibus v-
nus. Quid solus fraudaris munere tui? Vsquequo *Psa. 77.*
vadens spiritus, & non rediens? Vsquequo non
recipis te, & ipse inter alios vice tua? Sapientibus,

n 5

& in-

& insipientibus debitor es, & soli negas te tibi? stultus & sapiens, seruus & liber, diues & pauper, vir & femina, senex & iuuenis, clericus & laicus, iustus & impius, omnes pariter participant te, omnes de fonte publico viuunt pectore tuo; & tu seorsum sitiens stabis? si maledictus, qui partem suam facit deteriore, quid ille qui te penitus reddit expertem? &c. *S. Bernard. de considerat. l. 1.*

Vitæ contemplatiuæ descriptio, & qualiter comparetur à Sacerdotibus.

VITA contemplatiua nihil aliud est, quam rerum latentium, futurarumq; notitia, siue vacatio ab omnibus mundi occupationibus, siue diuinarum studium literarum, siue (quod hic probatur esse perfectius) ipsa visio Dei. Non video, quid impediendi sanctis Sacerdotibus possit afferri, quo minus ad hæc quatuor perueniant. Duo enim, primum & vltimum incomparabiliter præstantiora erunt in illa beata vita, quam in ista diuersis erroribus implicata. Duo autem media, vacationem videlicet ab omnibus mundi occupationibus, & diuinarum studium literarum, etiam hic possunt habere: sed illi, qui se ab omnibus implicamentis negotiorum sæcularium remouentes non torpent otio, sed insistunt perfectionis suæ negotio, & ab stultitia sæcularis Sapientiæ auersi verbo Dei infatigabiliter vacant, sapientes veraciter fiunt, cælestia sapiunt, terrena despiciunt, &c. *S. Prosp. de vita contempl. l. 1. c. 13.*

Occu-

Occupatio corporalis Sacerdotis.

PRESBYTER, mane peractis horis, & infirmis ¹⁰
 visitatis, si voluerit, exeat, & opus rurale ieiunus, vt
 iterum necessitatibus peregrinorum, & hospi-
 tum, siue diuersorum commeantium infirmorū,
 atque defunctorum succurrere possit, vsque ad
 statutam horam, pro temporis qualitate. *Concil A-*
gathe alias Nannet c. 60. vt notatur sup. p. 1. c. 6. §. 1. de
horis canonicis, n. 22.

Lectio, & Oratio, sunt Sacerdotum exer-
 citia: itemq; de corporalibus.

PRESBYTERI, oportet vos assiduitatem habere ¹¹
 legendi, & instantiam orandi: quia viri iusti vita
 lectione instruitur, oratione ornatur, & assiduita-
 te lectionis munitur homo à peccato, iuxta illum,
 qui dicebat: In corde meo abscondi eloquia tua, *Psal. 118*
 vt non pcecem tibi. Hæc sunt enim arma, quibus
 diabolus expugnatur, videlicet Lectio, & Oratio:
 hæc sunt instrumenta, quibus æterna beatitudo
 acquiritur: his armis vitia reprimuntur: his alimen-
 tis virtutes nutriuntur. Sed &, si quando à lectio-
 ne cessatur, debet manuum operatio subsequi:
 quia otiositas inimica est animæ; & antiquus ho-
 stis, quem à lectione, seu oratione vacantem in-
 uenerit, facile ad vitia rapit. Per vsum namque le-
 ctionis discetis, qualiter & vos viuatis, & alios do-
 ceatis: per vsum orationis & vobis & his, quibus
 in caritate coniuncti estis, prodesse valebitis: per
 manuum operationem, & corporis macerationem,
 &

& vitiis alimenta negabitis, & vestris necessitati-
Ephe. 4. bus subuenietis, & habebitis vnde necessitatem
 patientibus impendatis. *Burchardus lib. 2. cap. 100.*
ex S. Augustino. luo. p. 6. c. 177.

De quotidiana forma viuendi Sacerdotum.

- 12 **NVMQVAM** de manu tua, & oculis tuis recedat liber, dicatur Psalterium ad verbum, oratio sine intermissione, Vigil sensus sit, nec cogitationibus patens corpus: pariterque animus ostendatur ad Dominum. Iram vince patientia. Ama scientiam Scripturarum, & carnis vitia non amabis. Nec vacet mens tua variis perturbationibus, quæ si pectori infederint, dominabuntur tui, & te deducant ad delictum maximum. Facito aliquid operis, vt semper te Diabolus inueniat occupatum, &c. *S. Hieron de cons. dist. 5. c. eod. ad Rust. monach. de forma viuendi.*

Sine officij detrimento, artificiolo Clericus sibi necessaria quærat.

- 13 **CLERICVS** victum & vestitum sibi artificiolo, vel agricultura, absque officij sui dumtaxat detrimento, paret. Clericus enim, qui absque corpusculi sui inæqualitate vigiliis deest, stipendio priuatus excommunicetur. *Concil. Carthag. 4. dist. 91. cap. eod.*

De eodem.

- 14 **CLERICVS** quantumlibet verbo Dei eruditus, artificiolo victum quærat. Omnes Clerici, qui
 ad

ad operandum validi sunt, & artificiola, & literas
discant. *Idem Concil. Carthagin. eadem dist. 91. c. eod.*

De eodem.

QVIBVS non suppetit ex Sacerdotio, honesto 15
artificio victum quærant, secuti beati Pauli ex-
emplam: sic tamen, ne sordidam aliquam artem
Sacerdotio ignominiosam exercent. *Concil. Colon.
de vita cleric. c. 30.*

Sacerdotes, separati ab omni turba vi-
tam agant.

Plato in Timæo.

De otio vitando, & aliquo opere faciēdo. 16

Vide S. Augustinum de opere monachorum, ad Au- 17
relium. S. Basilium in regulis monachorum. c. 76. An-
toninum p. 2. tt. 9. c. 1. Cassianum l. 10. c. 3. Et, quod ope-
rari manibus interdum sit clericis necessarium, & præ-
ceptum, scilicet ad victum sibi necessarium queren-
dum, alio honesto medio sibi comparare
non valentibus, extant S. Tho. duo
quodlibeta 17. & 18.



CAP